

»Redovni izvještaj dnevnih događaja i pojava«

Izvještaj se odnosi na događaje u vremenskom periodu od 27.03.2025. godine od 08:00 sati do 28.03.2025. godine do 08:00 sati.

Prema podacima kojima raspolaže Kantonalni operativni centar CZ-e, službe od posebnog značaja radile su na izvršavanju svojih redovnih zadataka.

POPLAVE-VODOSTAJI (LP- 2)

Obilne kišne padavine na području našeg Kantona uzrokovale su porast svih vodostaja rijeka i njenih pritoka. Kiša i dalje pada slabijeg intenziteta, očekuje se nastavak padavina tokom dana, što bi moglo dodatno utjecati na postojeće vodostaje.

S obzirom da su vodostaji u Sanskom Mostu i Ključu dosegli kritične tačke, ekipe civilne zaštite su tokom noći redovno obilazile teren i pratile stanje vodostaja.

Općina Sanski Most

Jutros u 07:00 sati vodostaj rijeke Sane iznosi 435 cm (početak obavješćavanja je 310 cm), dok je jučer u isto vrijeme iznosio 198 cm.

U toku noći, zaprimili smo informaciju od Službe civilne zaštite Sanski Most da su zbog intenzivnih padavina, vodostaji rijeke Sane i njenih pritoka dosegli kritične tačke i da napuštaju svoja korita.

Voda je poplavila veliku površinu poljoprivrednog zemljišta i pomoćnih objekata uz kuće, a prijeti i da uđe u stambene objekte u naseljima Hrustovo, Trnova, Skucani Vakuf, Husimovci i Poljak. Sve raspoložive ekipe civilne zaštite sa mehanizacijom su na terenu i pokušavaju spriječiti nabujale rijeke da naprave veće štete na objektima. Putne komunikacije na nekoliko mjesta su poplavljene i ne može se saobraćati vozilima.

U naselju Skucani Vakuf, uslijed porasta nivoa rijeke Blihe došlo je do oštećenja putne komunikacije (oštećen most), gdje je jedan dio mještana bio odsječen, izvođači radova angažovani su na sanaciji štete tokom noći, ali su zbog nepovoljnih vremenskih uslova bili prinuđeni obustaviti radove. Sanacija će biti nastavljena u ranim jutarnjim satima.

Mještani su obaviješteni da koriste alternativne pravce u slučaju potrebe.

Zbog trenutne situacije i predviđenih vremenskih prilika u narednim danima, zatražili su od Kantonalne uprave civilne zaštite pomoć u materijalno tehničkim sredstvima i ljudskim resursima.

Općina Ključ

Prema trenutno dostupnim informacijama u naseljima Sanica, Velečevo, Dubočani i Humići rijeka Sanica se izlila i poplavila poljoprivredno zemljište. Trenutno nema ugroženih objekata.

Grad Bihać

Jutros vodostaj rijeke Une u 07:00 sati iznosi 86 cm (početak obavješćavanja je 100 cm), dok je jučer u isto vrijeme iznosio 64 cm.

Kantonalni operativni centar je zaprimio pozive od građana iz mjesta Ripač i Golubić da voda prijeti da uđe u stambene objekte, te da su im potrebne vreće s pijeskom. Nakon što smo zaprimili pozive građana, kontaktirali smo šefa civilne zaštite grada Bihaća i proslijedili mu informacije na terenu.

Služba za civilnu zaštitu je tokom protekle noći izvršila podjelu vreća sa pijeskom mjesnim zajednicama Pokoj, Veliki i Mali lug, Ripač i Golubić. Trenutno uposlenici civilne zaštite vrše obilazak terena zajedno sa pomoćnikom gradonačelnika za civilnu zaštitu.

U protekla 24 sata na području grada Bihaća je palo 74 l/m². Poziva građana je bilo prema vatrogasnoj službi. U operativni centar u posljednja 24 sata nije zaprimljena ni jedna dojava građana. Rijeka Una nije još počela sa većim izlivanjima iz korita, ali veće probleme prave podzemne i bujične vode. Operativni centar je od samih jutarnjih sati u stalnoj vezi sa predsjednicima mjesnih zajednica koje su najviše pogođene trenutno situacijom izazvne obilnim kišnim padavinama. U ovim trenucima radne mašine JP“ Vodovod“d.o.o. Bihać (bager) na zahtjev predsjednika MZ Pokoj vrše čišćenje kanala. Takodje služba za čistoću JKP“ Komrad“ vrše čišćenje kanala u MZ Golubić. U akciji podjele vreća sa pijeskom aktivno učešće je uzela i služba za hitne intervencije „SOS“ CZ grada Bihaća.

Na području grada Bihaća kiša i dalje pada i svi vodostaji rijeka i njenih pritoka imaju tendenciju rasta.

Grad Bosanska Krupa

Uslijed kišnih oborina došlo je do izlivanja iz korita rijeke Krušnice i potoka Baštra, Bukovska i Kamarica, gdje je poplavljeno poljoprivredno zemljište i pomoćni objekti.

Općina Bužim

Na nekoliko putnih pravaca saobraćaj se odvija otežano zbog manjih odrona. Voda se izlila iz korita i poplavila poljoprivredno zemljište. Stambeni objekti trenutno nisu ugroženi i poplavljeni.

POŽARI (LP-3)

Grad Cazin. Vatrogasna jedinica grada Cazina imala je dvije intervenciju na gašenju požara:

- od 07:30 do 09:15 sati, u mjestu Miostrah, gdje je gorio autobus, i
- od 19:10 do 20:30 sati, u mjestu Gradina, gorio je dimnjak i dio krovne konstrukcije.

Grad Bihać. Vatrogasna jedinica grada Bihaća imala je dvije intervencije na gašenju požara, gdje je gorjelo putničko motorno vozilo u ulici ZavnoBiH i u Ul. Boška Buhe.

Tehničke inetrvencije

Grad Cazin. Vatrogasna jedinica grada Cazina imala je dvije tehničke intervencije:

- od 22:50 do 23:45 sati, u centru grada, ispumpavanje vode iz garaža od zgrade,
- od 23:50 do 02:00 sati, u mjestu Gnjilavac, ispumpavanje vode iz skladišta.

Općina Sanski Most. Vatrogasna jedinica općine Sanski Most je u toku noći aktivno radila, gdje je razvozila vreće s pijeskom na područja koja su ugrožena od poplava.

Vatrogasne jedinice u ostalim općinama nisu imale intervencija.

OBLAST SAOBRAĆAJA (prohodnost puteva, drumski i željeznički saobraćaj)

Prema informaciji MUP-a USK-a, zbog izlivanja vode na kolovoz obustavljen je saobraćaj na regionalnom putu R405 u mjestu Poljak u Sanskom Mostu, svi ostali magistralni i regionalni putevi su prohodni.

Duge su kolone vozila na ulazu u Bosnu i Hercegovinu na graničnom prelazu u Velikoj Kladuši. Na ostalim graničnim prelazima nema dužih zadržavanja.

BEZBJEDNOST U SAOBRAĆAJU (LP-7) (saobraćajne nezgode)

Na području USK-a u protekla 24 sata desile su se četiri saobraćajne nezgode.

Dva lica zadobila su lakše tjelesne povrede, te je prčinjena materijalna šteta.

OŠTEĆENJA ELEKTRIČNE MREŽE (LP-18)

Grad Bihać. Od 21:12 sati zbog kvara u prekidu je trafostanica Duljci u naselju Orašac. Ekipe elektrodistribucije Bihać pristupit će sanaciji kvara u toku dana.

Elektroenergetski sistem u ostalim općinama je stabilan.

OBLAST TELEKOMUNIKACIJA (LP-18)

Telefonske veze funkcioniraju u svim pravcima.

OBLAST VODOSNABDIJEVANJA (LP-18)

Grad Bihać

Zbog povećane mutnoće vode na svim izvorištima, koja su u funkciji vodosnabdijevanja grada Bihaća, JP "Vodovod" d.o.o. Bihać preporučuje korisnicima da iz preventivnih razloga prokuhavaju vodu prije upotrebe za piće.

Vodosnabdijevanje u ostalim općinama je zadovoljavajuće.

NEEKSPLODIRANA UBOJNA SREDSTVA –NUS (LP-19)

Nije bilo prijava za NUS-a.

METEOROLOŠKO-HIDROLOŠKA SITUACIJA

U gradu Bihaću u 07:00 sati temperatura je iznosila 7 °C.

Vodostaj rijeke Une iznosi 86 cm, (početak obavještanja je 100 cm).

Padavine: kiša 74,2 l/m².

U općini Sanski Most u 08:00 sati temperatura je iznosila °C.

Vodostaj rijeke Sane iznosi 435 cm, (početak obavještanja je 310 cm).

Padavine: 58 l/m².

Federalni hidrometeorološki zavod izdao je narandžasto upozorenje za obilne padavine, u većem dijelu zemlje, u periodu od 26.03.2025 do 29.03.2025.godine. U narednim danima, osim četvrtka, intenzitet padavina neće dosezati prag za izdavanje upozorenja. Ipak, zbog stanja vodotoka i mogućnosti njihovog izlivanja, potreban je povećan oprez. U četvrtak, 27.3.2025., očekivana količina padavina u većem dijelu Bosne između 40 i 60, lokalno 80 do 90 l/m². U petak i subotu padavine širom zemlje slabog do umjerenog intenziteta, 5-15, ponegdje do 20 l/m².

Napomena: Služba za razvoj, privredu i civilnu zaštitu Ključ nije dostavila redovni izvještaj.